

360

637

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

20-02-2019

Broj: 14-02-05-00821/19
Sarajevo, Februar 19. 2019. godine

01 05 1210-43

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
(Na pažnju, Predsjedavajućeg Elmedina Konakovića)

Predmet: Odgovor na zastupničko pitanje broj: 01- 05 -1210 -43/19 od 04. 02.2019. godine postavljeno od strane zastupnika Vibora Handžića - dostavlja se;

Kantonalna uprava za inspekcijske poslove Kantona Sarajevo, dana 15.02.2019. godine zaprimila je zastupničko pitanje postavljeno od strane zastupnika Vibora Handžića na Četvrtoj radnoj sjednici Skupštine Kantona Sarajevo, održanoj dana 30.01.2019. godine, u okviru tačke Dnevnog reda " Poslanička /zastupnička pitanja, inicijative i odgovori" a u skladu sa Poslovnikom Skupštine Kantona Sarajevo koje glasi :

" Podnosim inicijativu da se konačno pristupi uklanjanju dotrajalih info - panoa Turističke zajednice Kantona Sarajevo koji se nalaze u parku At Mejdan i vjerovatno na još nekim lokacijama, a koji zaista predstavljaju ruglo u Općini Stari Grad Sarajevo. Također Vas molim da utvrdite da li i na drugim lokacijama na teritoriji Kantona Sarajevo postoje isti ili slični info-panoi, te da se isti uklone jer su potpuno nefunkcionalni."



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)
+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U vezi s postavljenim pitanjem dajemo slijedeći

ODGOVOR:

Uvidom u sadržaj dostavljenog pitanja, konstatovano je da shodno odredbama Zakona o privremenom korišćenju javnih površina na području Kantona Sarajevo ("Sl.novine Kantona Sarajevo" broj: 20/04, 26/12, 32/12 i 24/15) kantonalna komunalna i kantonalna urbanističko-građevinska inspekcija nisu nadležna za postupanje po istom, odnosno nisu nadležne za postavljanje i uklanjanje info-panoa, u ovom slučaju konkretno za uklanjanje reklamnih panoa u parku At Mejdan, kao ni na drugim lokacijama na području općine Stari Grad Sarajevo i Kantona Sarajevo.


Odobrenje za postavljanje info - panoa u konkretnom slučaju daje nadležna općinska služba Općine Stari Grad Sarajevo shodno općinskoj Odluci o privremenom korištenju javnih površina ("Službene novine Kantona Sarajevo", br.13/15- prečišćeni tekst) i elaboratu kojim se određuju lokacije za postavljanje slobodnostojećih reklamnih panoa i slobodnostojećih displeja. Elaborat o postavljanju slobodnostojećih reklamnih panoa i slobodnostojećih displeja izrađuje Zavod za planiranje razvoja Kantona Sarajevo, a isti usvaja općinsko vijeće. Pitanje o privremenom korištenju javnih površina na području Kantona Sarajevo, svaka općina uređuje Odlukom o privremenom korištenju javnih površina koju donosi općinsko vijeće nadležne općine, te nadzor na provođenjem iste vrše općinske inspeksijske službe.

Kada se radi o Općini Stari Grad Sarajevo, pitanje nadzora definisano je članom 70. Odluke o privremenom korištenju javnih površina ("Sl.novine Kantona Sarajevo"br. 13/15 - Prečišćeni tekst) kojim je dato ovlaštenje općinskom komunalnom inspektoratu da može poduzimati radnje i mjere za koje je ovlašten u skladu sa Zakonom o privremenom korišćenju javnih površina na području Kantona Sarajevo.

Na kraju ističemo da smo zastupničko pitanje uputili svim općinama sa ciljem da poduzmu mjere i radnje koje se odnose na uklanjanje info-panoa sa molbom da ovaj organ obavijeste o poduzetom.

Dostaviti:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. Evidencija
5. Arhiva



DIREKTOR

Fahr Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb